

შპს „საქართველოს ტელერადიოცენტრი“-ს
სატენდერო კომისიის სხდომის
ოქმი№1

სხდომას ესწრებოდნენ:

კომისიისა და აპარატის თავმჯდომარე: ბ.აღამია;

წევრები: ნ.ცაგურიშვილი, ნ.ზეიკიძე, ზ.ჯალალიშვილი, გ.ცინცაძე, ბ.კასრაძე.

აპარატის წევრები: დ.ტაბლიაშვილი, ზ.შეროზია;

დღის წესრიგი: აუდიტორული მომსახურების შესყიდვის სატენდერო განცხადებისა და ელექტრონულად შევსებული სატენდერო პირობების პროექტების განხილვა და დამტკიცება.

აპარატის წევრმა – დ.ტაბლიაშვილმა სატენდერო კომისიას წარუდგინა აუდიტორული მომსახურების შესყიდვის მიზნით შემუშავებული სატენდერო განცხადებისა და ელექტრონულად შევსებული სატენდერო პირობების პროექტები.

მოისმინეს – კომისიის აპარატის წევრის დ.ტაბლიაშვილის გამოსვლა, რომელმაც აღნიშნა, რომ წარმოდგენილი პროექტები შედგენილია კჭანტურიძის მ/წ 25 თებერვლის №131 მოხსენებითი ბარათის საფუძველზე. მოთხოვნის შესაბამისად, ბაზრის კვლევის ფარგლებში დაგზავნილი იქნა შეტყობინებები სხვადასხვა აუდიტორულ კომპანიებში, რომელთაგან მხოლოდ სამმა კომპანიამ გამოავლინა ოფერი:

- “თიჯიეს კა-ჯგუფი” – 20000ლარი დღგ-ს ჩათვლით;
- “კომპაუდი” – 20000ლარი დღგ-ს გარეშე;
- “ორინჯ გრუპი” – 55000ლარი დღგ-ს გარეშე;

დამატებით, დ.ტაბლიაშვილმა კომისიას მოახსენა შესყიდვების სამსახურის პოზიცია ფასებთან დაკავშირებით, კერძოდ, ზოგადად, აუდიტორული მომსახურების შესყიდვის მიზნით გამოცხადებულ ტენდერებში არის მაღალი კონკურენცია და ელ.ვაჭრობისას ფიქსირდება ფასების მნიშვნელოვანი კლება. მხედველობაში იქნა მიღებული განვლილი პრაქტიკის შედეგები – 2017, 2018 და 2019 წლებში აუდიტორული მომსახურების მიზნით ჩვენი კომპანიის მიერ გამოცხადებული ტენდერები №SPA170002100; №SPA180001590, №SPA180007957, №SPA190004973, №SPA190001005, რომლებშიც დაფიქსირდა ფასების კლება 60-65%-ის ოდენობით, თუმცა ყველა შემთხვევაში პრეტენდენტებმა შეძლეს ფასწარმოქმნის აღქვატურობის დადასტურება და შემდგომ ხელშეკრულებით ნაკისრი ვალდებულებების სრულად და ჯეროვნად შესრულება. დ.ტაბლიაშვილმა ასევე აღნიშნა, რომ არსებული შედეგებისა და ანალოგიური შესყიდვის შესახებ სხვა ორგანიზაციების მიერ ჩატარებული ტენდერების ზოგადი ანალიზიდან გამომდინარე, აშკარაა აუდიტორული კომპანიების მიდგომა ფასწარმოქმნასთან მიმართებაში, კერძოდ ვინაიდან მომსახურება სრულად დამოკიდებულია ადამიანურ რესურსზე, ღირებულების განსაზღვრა სრულად დამოკიდებულია სუბიექტურ კრიტერიუმებზე, შესაბამისად, კონკურენციის პირობებში აბსოლუტურად რეალურია ფასის კლება თუნდაც 60%-იან ზღვარში. ყოველივე ზემოთქმულიდან გამომდინარე, მოცემული კალკულაციის და ასევე კონკურენციის მაქსიმალურად უზრუნველყოფისა და პრეტენდენტთა მიერ ტენდერის მიმართ ინტერესის უზრუნველყოფის მიზნით, მიზანშეწონილია შესყიდვის ობიექტის სავარაუდო ღირებულება განისაზღვროს 10000 ლარს დღგ-ს ჩათვლით, ხოლო დღგ-ს გარეშე კი 8500 ლარს, ვინაიდან ფინანსური და საგადასახადო აუდიტის ნაწილში უკანასკნელი ოთხი ტენდერის საშუალო განფასების მიხედვით ღირებულება შეადგენს არაუმეტეს 8000 ლარს, ხოლო შეფასების ნაწილში ერთეული დასკვნების საშუალო სავარაუდო ღირებულება კი არაუმეტეს 500 ლარს;

მოისმინეს – კომისიის თავმჯდომარის (ბ.აღამია) გამოსვლა, რომელმაც აღნიშნა, რომ წარმოდგენილი პროექტებში რაიმე სახის შესწორების შეტანა მიზანშეწონილად არ მიაჩნიათ, თუმცა თვლის რომ წარმოდგენილი ოფერები რეალურად ასახავს ბაზარზე არსებულ ვითარებას, ამასთან, ვინაიდან არსებულ მოცემულობაში უმცირესი ფასია 20000 ლარი დღგ-ს ჩათვლით, შესაბამისად მხედველობაში არ უნდა მივიღოთ წინა წლების შედეგები და შესყიდვის ღირებულებად უნდა განისაზღვროს 20000 ლარს დღგ-ს ჩათვლით, ხოლო დღგ-ს გარეშე კი 17000

ლარი. თუმცა, იმის გათვალისწინებით, რომ სახელმწიფო შესყიდვების გეგმაში აღნიშნული მომსახურებისათვის განსაზღვრულია მხოლოდ 16000ლარი დღგ-ს ჩათვლით, და ამასთანავე ეს ოდენობა მოწოდებულია უშუალოდ საფინანსო სამსახურის მიერ შესყიდვის მოცულობის გათვალისწინებით, ვთვლი რომ შესაძლებელია ტენდერის გამოცხადება მოცემულ თანხაზე, კერძოდ 16000 ლარს დღგ-ს ჩათვლით, ხოლო დღგ-ს გარეშე კი 13500 ლარი. დასასრულს ბ.ადამიამ დაადასტურა, რომ მხარს უჭერს წარმოდგენილი პროექტების არსებული სახით დამტკიცებას.

აზრი გამოთქვას: კომისიის წევრებმა, რომლებიც სრულად დაეთანხმნენ ბ.ადამიას შეფასებას შესყიდვის ობიექტის სავარაუდო ღირებულების განსაზღვრასთან დაკავშირებით და მხარი დაუჭირეს სატენდერო განცხადებისა და ელექტრონულად შევსებული სატენდერო პირობების პროექტების დამტკიცებას არსებული სახით.

დაადგინეს:

1. დამტკიცდეს აუდიტორული მომსახურების შესყიდვის სატენდერო დოკუმენტაციისა და ელექტრონულად შევსებული სატენდერო პირობების პროექტები;
2. უზრუნველყოს სატენდერო კომისიის აპარატმა, ელექტრონული სისტემის საშუალებით ელექტრონული ტენდერის გამოცხადება დამტკიცებული სატენდერო განცხადებისა და ელექტრონულად შევსებული სატენდერო პირობების შესაბამისად არაუგვიანეს 2020 წლის 27 თებერვლისა.

თაყმჯღომარე: ბორის ადამია

კომისიის წევრები: ნიკა ცაგურიშვილი

ზურა ჯალაღიშვილი

ნუგზარ ზეიკიძე

ბესიკ კასრაძე

გიორგი ცინცაძე

კომისიის აპარატის წევრები: დავით ტაბლიაშვილი

ზვიად შეროზია